

### III. OUTRAS DISPOSICIÓNS

#### CONSELLERÍA DE MEDIO AMBIENTE E ORDENACIÓN DO TERRITORIO

*EXTRACTO da Orde do 4 de xullo de 2016 pola que se establecen as bases reguladoras das axudas para paliar os danos producidos polo xabaril nos cultivos agrícolas e se convocan para o ano 2016.*

BDNS (Identif.): 311803.

De conformidade co previsto nos artigos 17.3.b) e 20.8.a) da Lei 38/2003, do 17 de novembro, xeral de subvencións, publícase o extracto da convocatoria cuxo texto completo pode consultarse na Base de datos nacional de subvencións (<http://www.pap.minhap.gob.es/bdnstrans/index>):

Primeiro. *Persoas beneficiarias*

Toda persoa que exerza a actividade agraria e estea inscrita no Rexistro de Explotacións Agrarias de Galicia (Reaga) como titular dunha explotación onde se constatasen danos aos cultivos agrícolas producidos polo xabaril.

Segundo. *Obxecto*

Compensar os danos causados polo xabaril nos cultivos agrícolas que sexan comunicados desde a entrada en vigor desta orde ata o 10 de outubro de 2016.

Terceiro. *Bases reguladoras e convocatoria*

Orde do 4 de xullo de 2016 pola que se establecen as bases reguladoras das axudas para paliar os danos producidos polo xabaril nos cultivos agrícolas e se convocan para o ano 2016.

Cuarto. *Contía*

Importe total da convocatoria: 600.000 euros. O importe das axudas por metro cadrado, segundo o tipo de cultivo, figura no anexo I da orde.

Importe máximo por persoa beneficiaria e ano: 1.500 euros, aínda que os danos excedan este importe.



Quinto. *Prazo de presentación de solicitudes*

Un mes contado desde o día seguinte ao da comunicación do dano.

Sexto. *Outros datos*

Comunicarase o dano, no prazo máximo dos tres días seguintes a aquel en que se produciu, chamando ao teléfono 012 das 8.00 ás 20.00 horas, de luns a venres, e das 8.00 ás 17.30 horas, os sábados.

O expediente de axudas será único e comprenderá todos os danos producidos polo xabarl a unha mesma persoa beneficiaria antes da colleita.

Santiago de Compostela, 4 de xullo de 2016

Beatriz Mato Otero  
Conselleira de Medio Ambiente e Ordenación do Territorio

